



UNIVERSITÄTS-
BIBLIOTHEK
PADERBORN

Universitätsbibliothek Paderborn

Symmvla Caietani

Cajetan, Thomas

Antverpiae, 1575

Cosecratio virginum quando illicita.

urn:nbn:de:hbz:466:1-41716

Virginum consecratio. 547

rum. Sic enim licet non solum appetere, sed quærere per officium iudicis vindictam illorum qui se vel alios offenderunt.

Consecratio virginum quando sit illicita.

Virginum consecratio illicita redditur, si in veritate virgo non est quæ consecratur. Nec excusatur ex hoc quod occulta est virginitatis amissio, & scandalum esset, si non consecraretur: quia in sacramentalibus Ecclesiæ actionibus non debet interuenire fictio, sicut nec in sacramentis. Et quia fictio ista quæ ut virgo se ingerit consecrationi, quæ virgo non est, iniuriosa est sacramentalibus Ecclesiæ, peccatum est mortale ex suo genere. De remedio autem multis dato occultè violatis virginibus consecrandis ad euitandum scandalum scilicet ut nomen virginitatis in nomen castitatis aut continentiæ muretur dicendum videtur quod vanum est, quia si officium consecrationis virginum perspiciatur, apparebit quod aut oportet virginem consecrare per illud officium, aut illud ommittere sicut per officium quo consecratur Episcopus oportet Episcopum consecrari: & similia. Nec puto doctorem aliquem qui officium huiusmodi viderit, hoc consuluisse: sed solummodo quod aliquæ ceremoniæ illius officii & aliquæ illius orationes, mutato virginitatis nomine in nomen castitatis, fieri vel dici possunt: ut vel sic appareat illam benedici ad vitandum scandalum quod à ratione alienum non est. sed aduerte quod virginitas sumitur in proposito, ut est nomen status, ita quod sufficit ad consecrationem quod sit virgo secundum carnis integritatem. Tum quia Ecclesia utitur nominibus ut plures utuntur. Virginitas autem communi vsu est nomen status: ut patet ex vsu. Et in Euangelio virgines distinguuntur in fatuas & prudentes. & Paulus virgines distinguens

in castas & non castas denotat dum dicit, Despondi vos vni viro virginem castam exhibere. Et confirmatur: quia aliter Ecclesia daret occasionem fallendi, nam & mulieres & puellæ cum toto mundo vocant virgines quæ carnis retinent integritatem. Et propterea si aliud quàm hoc Ecclesia exigeret, quum ponit à puellis consecrandis si virgines sunt falli oportet Ecclesiam: & tamen puellæ non decipiunt Ecclesiam dicentes se esse virgines quandiu carnis retinent integritatem quia hoc intelligunt per esse virginem. Et confirmatur adhuc quia in Põnificali Romano postquam dictum est quod Pontifex diligenter inquireat ante consecrationem de ætate xxv. annorum, & proposito seruandi virginitatem, subiungitur: Et insuper seorsum cum qualibet consecranda, de vita & conscientia & carnis integritate. Vbi clarè patet explicari quod per virginitatem intelligat Pontifex inquirens scilicet carnis integritatem. Et hæc sunt dicta, ne putet quis puellas integras carne, mente autem & negligentia seu complacentia pollutionum delectabilium corruptas à consecratione repellendas esse, quia irreparabiliter perdiderunt virginitatis virtutem. Possunt enim consecrari: quia sunt verè virginis secundum statum, licet non secundum virtutem.

*Praelati possunt peccare suum gregem
visitando.*

Visitatio (qua Episcopi seu Praelati visitant gregem suum) illicita redditur si non conformetur factis Canonibus, & specialiter formæ præceptæ in lib. vi. de cens. cap. Romana.

Contemptus extremæ vñtionis peccatum est.

Vñtionem extremam quamuis non reneatur homo accipere vt necessariam ad salutem, contemptus tamen illius peccatum est mortale, non mi-